



Che Sa'adon didenda RM5,000 selepas didapati bersalah memalsukan dokumen bagi pembelian benih ikan kerapu hibrid di Mahkamah Sesyen Kuala Terengganu pada Ahad.

Bekas pengurus didenda palsu dokumen beli ikan kerapu hibrid

SA 22/3/2021 m/s 26

KUALA TERENGGANU - Seorang bekas Pengurus Besar Pertubuhan Peladang Terengganu (PPNT) dijatuhkan hukuman denda RM5,000 atau lima bulan penjara sekiranya gagal membayar denda oleh Mahkamah Sesyen di sini pada Ahad berhubung pertuduhan memalsukan dokumen membabitkan RM600 untuk pembelian ikan kerapu hibrid.

Hakim Jamaludin Mat menjatuhkan hukuman itu selepas tertuduh, Che Sa'adon Che Yahya, 57, didapati bersalah apabila pihak pendakwa berjaya membuktikan kes

melampaui keraguan munasabah.

Mengikut pertuduhan, tertuduh didakwa dengan curangnya menggunakan dokumen sebagai tulen iaitu satu resit bertarikh 17 September 2016 bagi pembelian ikan kerapu hibrid berjumlah RM600 yang mana dia mempunyai sebab untuk mempercayai bahawa dokumen tersebut adalah palsu.

Tertuduh didakwa melakukan kesalahan itu di pejabat PPNT pada September 2016.

Pendakwaan dikendalikan Timbalan Pendakwa Raya Suruhanjaya Pencegahan Rasuah Malaysia

(SPRM), Nurshafini Mustafha manakala tertuduh diwakili peguam, Muhammad Zulfaqar Al-Basysyar Saharrudin.

Pada 7 Februari lalu, tertuduh dijatuhkan hukuman penjara 12 bulan dan denda RM10,000 atau enam bulan penjara sekiranya gagal menjelaskan denda berkenaan apabila didapati bersalah memalsukan inoivis pembaikan kenderaan Toyota Fortuner milik PPNT berjumlah RM1,140 sedangkan pembayaran dibuat untuk kenderaan pelbagai guna (MPV) Toyota Wish miliknya.